

外科正宗
江



重訂外科正宗卷之九

楊梅瘡論第二十六

武棟

夫楊梅瘡者以其形似楊梅又名時瘡因時氣乖變邪氣凑襲又名綿花瘡自期綿綿難絕有此三者之稱總由溼熱邪火之化但氣化傳染者輕精化慾染者重故氣化乃脾肺受毒其患先從上部見之皮膚作癢筋骨不疼其形小而且乾精化乃肝腎受毒其患先從下部見之筋骨多疼小水澁淋其形大而且硬如氣化者毒在皮膚未經入裏宜服萬靈丹洗浴發汗解散皮膚之毒精化者毒在骨髓未透肌膚宜服九龍丹通利大小二便以消骨中之毒甚者二服皆可行散之後體實者升麻解毒湯體弱者歸靈內托散服至筋骨不疼瘡根淡白內毒已解方用點藥輕者半年重則一載始方得愈如患者不遵此法欲其速愈妄用薰條擦藥哈吸

等法往往致成後患者多矣患者熟思之

楊梅瘡看法

初起無頭疼筋骨不作痛小水無澁淋瘡乾細者輕已生頭面稀口角無瘡項下胸背雖多穀道無可初生瘡發下疳次生魚口復作筋骨疼痛瘡發非祥瘡生紅紫堅硬手足多生形如湯潑泡狀害非輕淺

楊梅瘡治法

初起先從澁淋次傳筋骨作疼後發其瘡亦宜攻利生後外無疳瘡內無筋骨作痛時氣所感者微散之瘡從交媾不潔乃生下疳小水澁滯不通當行導利上部作瘡瘡多消風清熱下部作瘡瘡甚瀉溼爲先紅紫毒盛瘡高涼血解毒淡白毒輕瘡薄攻補兼行手足皮膚枯槁鵝掌風生栢葉二礬煎湯薰洗卽好頭髮眉毛脫油風何須說

神應養真丹早服稀疎脫點點楊花癰片片癰風瘡宜服換肌丸效
應如同掃

楊梅瘡治驗

一男子患此兩月餘自服敗毒涼劑不應筋骨疼痛尚在此表裏寒
涼滯沉難出必以辛熱發之用萬靈丹葱酒煎服洗浴蓋之先出
冷汗如雨次出熱汗疼痛減其大半以歸靈湯服至月餘瘡勢始
定又以萆薢湯兼補中益氣湯又兩月餘而始痊愈

一男子小便白濁作痛次出疳瘡發腫作爛筋骨微痛予曰欲發時
瘡彼不爲信請他醫以重藥照之雖然疳瘡稍愈而筋骨更疼頭
脹欲破又復請治其時紅點滿面此火氣鬱遏難出先用黃連解
毒湯二服瀉其火毒次以蟾酥丸發汗使毒透出肌表已後紅點
漸漸爲瘡筋骨頭疼從此漸減以加味遺糧湯服至兩月瘡始出



盡骨疼方止又以解毒天漿散相兼服至百日其瘡始退又百日而平

一女入丈夫生瘡所龍筋骨至疼遇晚寒甚以人參敗毒散四劑其寒乃退疼尚不止又以萬靈丹發汗二次方出點如豆大頭面及背肉無餘際此毒之盛也以防風通聖散二劑通利大小二便去硝黃加皂角針金銀花又十餘劑其瘡漸大小者如錢大者若杯氣穢作爛起坐不堪外以石珍散摻爛上結疤又爛又摻內服加味遺糧湯兩月餘瘡始漸乾輕者收斂而脫重者又半年方得痊愈矣

一庠生患此月餘乃求速愈予曰此患非他恙所比若速愈必遺毒於後曰辭不敢治更醫對曰半月全愈後亦無患因喜不勝用水銀膽礬等藥搽擦手足二心半月內其瘡果愈隨後骨疼諸藥不

應半年後內毒方出作爛疼不堪言遍腿相串並無一空又二年
腿腳曲而不直後成痲疾終身又兼耳聾全不相聽又一八嫖妓
生瘡筋骨疼痛予曰升發方可彼欲內消請他醫以丸藥七圓每
用一圓置炭上燃著以口吸烟至三圓鼻流鮮血至夜而死又
妓者患此欲其速愈以照藥毒之三日後吐鮮血數盆亦死此求
速愈自取危亡者無怨

楊梅瘡主治方

加味遺糧湯

加味遺糧湯木瓜
鹹皮皂子靈仙等

引歸防朮銀花
木通甘草共參誇

治楊梅瘡初起筋骨疼痛及已成數月延綿不已并楊梅風毒誤
服輕粉癱瘓骨疼不能動履

川芎

當歸

防風

薏苡仁

木瓜

金銀花

木通

白鮮皮

蒼朮

威靈仙

各一錢

甘草

五分

皂莢子五個切片微炒

仙遺糧二人參
瘡久氣虛者加

水二碗煎八分量病上下食前後服腿腳之下加牛膝一錢病淺

多一月可退病深者百日可痊忌牛肉燒酒海腥煎炒此瘡發時

多先起於下疳若以此方預服之可以止其不發梅毒瘡也

解毒天漿散解毒天漿散角針

二防藤皮膝風藤瓜蛻米仁土茯苓

治楊梅瘡不問新久遍身潰爛及筋骨作疼者

天花粉錢二防風

防已 皂角針 白鮮皮 連翹

川芎 當歸

海風藤 木瓜 金銀花 蟬蛻

米仁錢各一甘草錢五 土茯苓二兩牛膝下部加

水二鍾煎八分臨服入酒一杯量病上下服之

升麻解毒湯升麻解毒湯傳易

去病應知卻不難那怕多年結毒頑

治楊梅瘡筋骨疼痛久而不愈及治遠年近日流注結毒皮肉破



爛咽喉損破者並宜服之用升麻新鮮皂針各四錢上白上茯苓一觔項之以土加白芷咽內加桔梗胸腹加白芍肩背加羌活下部加牛膝各一錢用水八碗煎至四碗作四次一日服盡每次頓熱加麻油三茶匙和勻量病上下食前後服之瘡甚者不過十服

歸靈湯

歸靈湯中四物君
米仁參木銀花粉

治楊梅瘡不問新久但元氣虛弱者宜服此藥金鑑名月靈內託散

川芎

當歸

白芍

熟地

米仁

木瓜

防已

天花粉

金銀花

白蘚皮

人參

白朮

各二錢

甘草

五分

威靈仙

六分

牛膝

下部加五分

土茯苓

二兩

水三鍾煎二鍾二次量病上下食前後服之渣再煎八分服

防風必效散

防風必效散判防
角針末通甘番白

槐蒼翹藤蘚芷銀
瓜粉大黃土茯苓

治楊梅瘡淫熱太盛瘡高稠密元氣素實者服

防風

防已

荊芥

白蘚皮

連翹

槐花

蒼朮

皂角針

海風藤

木通

白芷

花粉

木瓜

金銀花

薔白草各一錢

甘草五分

土茯苓

四兩大黃初起加三錢

水三碗煎二碗二次服渣再煎一碗服後飲酒一大杯即靜睡一時許更妙

金蟾脫甲酒

治楊梅瘡不拘新久輕重皆效好酒五斤用大蝦蟆一個浸酒封瓶口者煮一二枝取起待次日隨量之大小以醉為度冬夏蓋暖出汗為效存酒次日只服量之一半酒盡瘡愈又治楊梅結毒筋骨疼痛諸藥不效者更妙服酒七日後不可見風為要忌口及房事



百日絕根矣

翬雲散

翬雲散中用銅綠
濕用胆調乾未搽

膽礬輕粉石膏加
梅瘡一點便生肌

治楊梅瘡已服內藥根腳不紅瘡勢日退者用

銅綠

膽礬

各五錢
輕粉

石膏

煨各一兩

共研極細磁確收貯溼瘡乾瘡公猪膽汁調點三日點一次

其瘡自乾而愈

又點藥方

點藥方中用杏仁
猪胆汁調瘡上點

雄黃輕粉共相稱
敢教三日自承平

杏仁

四十九粒
去皮尖

雄黃

錢一

輕粉

錢三

先將杏仁搗細加雄黃輕粉細末再研勻猪膽調點

鵝黃散

鵝黃散用真輕粉
等分爲末搽爛瘡

石膏黃栢要稱准
楊梅腐爛最安穩

治楊梅瘡潰爛成片膿穢多而痰甚者宜用之

石膏

煨

輕粉

黃栢

炒



以上各等分爲極細末乾摻爛上即可生疤再爛再摻毒盡乃愈
此解毒止痛收乾之效藥也

應用方

萬靈丹

黃連解毒湯

見腫瘍門

人參敗毒散

防風通聖散

見時毒門

蟾酥丸

見疔瘡門

補中益氣湯

見潰瘍門

九龍丹

見魚口門

神應養真丹

見鶴膝風門

祛風換肌散

見風癬門

栢葉二礬湯

見鷓鴣掌風門

結毒論第三十七

結毒者熏火收遏瘡毒而沉於骨髓毒又有未經熏擦見苗未久服藥不多內毒未盡便用點藥收斂鬱遏毒氣者亦能致之發則先從筋骨疼痛日後漸漸腫起發無定處隨便可生發在關節中則損筋傷骨縱愈曲直不便發於口鼻則崩梁缺唇雖痊破形更相



發於咽喉者更變聲音發在手足者妨於行走原來苦楚一生毒
遺數代情閑一錯禍起百端初起筋骨冷痛金蟾脫甲酒發汗自
愈虛弱者芎歸二朮湯頭疼欲破者天麻餅子併吹鼻碧雲散年
餘流串筋骨不愈者五寶散虛弱潰爛疼痛不斂者十全大補湯
同土茯苓煎服初起筋骨痛甚者雷火針法已潰腐爛者解毒紫
金膏依法施治年遠毒盛者元武丹兼外搽靈藥年近毒淺者只
在百日自然可愈毋得再薰爲禍傷人耳

已下看法治法俱照本論醫治自有條款不必重錄

結毒治驗

一男子薰藥之過六年後兩腿骨痛半年始腫以雷火針腫小者一
處腫大者三處針之七日後作膿腐潰內服仙遺糧湯兩月餘其
疼漸止腫亦漸消又兩月方得腐盡肌生更十全大補湯三月而

斂

一男子玉莖患此半年陽物已損七八遇一方士以薰藥照之患止流血不止人似鬼形予曰毒發已傷元氣再加薰火二逼血得熱而妄行故去盆許此有限之物也恐其難保先以四物湯兼黃連解毒湯合而服之二劑其血乃止更八珍湯加麥冬五味子黃柏知母十餘服元氣乃定外以甘草湯浴洗患上以銀粉散搽之如此月餘氣血漸醒紅肉漸生陽物復長大半仍用前湯加土茯苓二兩前服此不捨其根本共約有四月之餘其疾乃愈

一男子患此頭疼欲破至夜尤甚苦楚不睡自以解毒藥治之俱不相應診之寸關脉細數而無方此虛陽之火上攻以補中益氣湯如上茯苓一兩服至三劑其疼漸止又十餘劑其疾全安而不再發

一男子患此自膝以下腐爛無空伏枕半年內以芎歸二木湯外以甘草白芷歸尾葱白煎洗三日一度以解毒紫金膏擦之如此三月餘漸漸而安惟足不能步履以史國公酒藥加土茯苓一斤浸者又服半年其足方能步履又一料行步亦然如舊

一婦人患此頭疼手腕俱痛診之脉滑而弦此痰毒相兼之病也以天麻餅子服之半月頭痛痊安又以二陳兼四物加紅花升麻黃芩服至月餘而愈

一男子頭額腐爛外擦解毒紫金膏內以萆薢湯兩月餘而斂又一

人小腿患之年餘仍以前藥而愈

一婦人咽間損壞半年湯藥難下幾死服結毒紫金丹外吹結毒靈藥一月內其疾痊安又一女人手膊頭背腫痛六七年不潰諸藥不應仍服前藥而安



一男子咽喉腐爛予以遺糧湯內服外用解毒生肌藥治之彼以為緩仍用薰藥照之口爛幾死大便純去黑血及遍身浮腫飲食不進肌破三月而死

結毒主治方

仙遺糧湯

仙遺糧湯制芷防
疾意靈仙碗膝草

銀花花粉葛苡當
苓連翹共水煎膏

治楊梅結毒初起筋骨疼痛已破肌肉潰爛者

仙遺糧

即俗稱土
扶苓是也

防風

荆芥

川芎

當歸

天花粉

金銀花

白茯苓

薏苡仁

威靈仙

各一錢

山梔

黃連

連翹

乾葛

白芷

甘草

黃芩

各六分

牛膝

下部加

水三碗煎二碗量病上下食前後服渣再煎一碗服後飲酒一杯

忌牛肉火酒房事等件更妙



芎歸二朮湯

芎歸二朮湯防朴
木瓜皂刺猪精附

獨活參朮白芷以仁
山甲銀通土茯苓

治楊梅結毒已成未成筋骨疼痛步履艱辛及潰後腐肉臭敗不能生肌收斂者宜服之並效

白朮

蒼朮

川芎

當歸

人參

茯苓

薏苡仁

皂角針

厚朴

防風

木瓜

木通

穿山甲

炒獨活各一錢

金銀花

二錢甘草

精猪肉

二兩土茯苓兩

水三碗煎一半量病上下服之渣再煎服

消風脫甲散

消風脫甲散紅花
楓子薄荷藤針土茯苓

番白靈仙梔蛻瓜
翹通蒼朮草銀花

治楊梅結毒筋骨疼痛腐爛作臭氣血壯實者

歌

十年十五半年五

二十年來三十補

曰

縱然臭爛不堪聞

管教逢人再不吐

番白草

紅花

甘草

威靈仙

山梔

蟬蛻



連翹 皂角針 大楓子內薄荷 海風藤 金銀花

冬瓜皮 木通 蒼米各一錢 土茯苓四兩

水三碗煎二碗二次服用好酒一大杯過口渣再煎服

薰洗結毒方

薰洗結毒方堪效在是腐疼多微骨

蒼米川椒共水煎將來一洗即安痊

蒼朮一兩點紅川椒三錢水五碗煎至四碗入罐內將患上對確口以熱氣薰之半熱傾藥盆內淋洗患上以潔淨布搥乾擦後解

毒紫金膏

解毒紫金膏

解毒紫金膏最易變紅只與松香等

取功奏效識應難去腐生新加笑顏

治楊梅結毒腐爛作臭膿水淋漓諸藥不效者細塊變紅明淨松香各一斤共碾極細末麻油調稠先將患上用前湯薰洗潔淨搽上此藥油紙蓋上以軟布條要扎至緊毋令血行三日一換如無前湯薰洗只煎艾甘草等湯俱可洗 治諸毒頑腫等瘡神



南京中医药大学图书馆藏